



Broj: 10/E-11-1128/26
Sarajevo, ~~05-03-2026~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova II, imenovana rješenjem Općinskog načelnika broj: 10-45-163/25 od 05.03.2025. godine, (u daljem tekstu: Komisija II), u postupku javne nabavke: Usluge održavanja telefonske mreže i telefona za potrebe Općine Centar i drugih objekata u vlasništvu Općine Centar Sarajevo, putem konkurentskog zahtjeva (Zapisnik o pregledu i ocjeni ponuda broj: 10/E-11-1128/26 od 26.2.2026. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača „**SILNICA**“ d.o.o. Sarajevo, ulica Dr. Silve Rizvanbegović broj 24b, 71210 Ilidža – Sarajevo, broj: 25/26 od 23.02.2026. godine, za usluge održavanja telefonske mreže i telefona za potrebe Općine Centar i drugih objekata u vlasništvu Općine Centar Sarajevo, putem konkurentskog zahtjeva za dostavu ponuda, po cijeni u ukupnom iznosu od 2.455,40 KM bez PDV-a (zbir jediničnih cijena), odnosno 2.872,82 KM sa PDV-om (zbir jediničnih cijena).
- II. Izabrani ponuđač dužan je, u roku od **5 (pet) dana** od dana prijema ove Odluke, na protokol Ugovornog organa dostaviti dokaz o ličnoj sposobnosti – **original ili ovjerenu kopiju Uvjerenja nadležnog suda prema svom sjedištu**. Navedenim uvjerenjem potvrđuje se da ponuđaču u krivičnom postupku nije izrečena pravosnažna osuđujuća presuda za krivična djela: učešće u kriminalnoj organizaciji, korupciju, prevaru ili pranje novca, čime se dokazuje ispunjenost uslova iz tačkom **7.1.2. pod a)** tenderske dokumentacije, a u skladu sa članom **45. stav (2) tačke od a) do d)** Zakona o javnim nabavkama BiH.
- III. Ugovorni organ će sa izabranim ponuđačem zaključiti okvirni sporazum na period od 3 (tri) godine, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima. Planirana maksimalna sredstva za cijeli period trajanja okvirnog sporazuma iznose 10.530,00 KM bez PDV-a i ista se ne mogu prekoračiti.
- IV. Ova Odluka se dostavlja ponuđačima kojim su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke usluga održavanja telefonske mreže i telefona za potrebe Općine Centar i drugih objekata u vlasništvu Općine Centar Sarajevo, pokrenut je Odlukom Općinskog načelnika o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-1128/26 od 12.02.2026. godine. Predmet nabavke nije podijeljen na lotove. Procijenjena vrijednost javne nabavke bez uračunatog PDV-a iznosi 10.530,00 KM, za cijeli period trajanja okvirnog sporazuma. Obavještenje o nabavci 848-7-2-27-3-60/26 objavljeno je dana 12.2.2026. godine na Portal javnih nabavki (www.ejn.gov.ba).

U krajnjem roku za predaju ponuda određen tenderskom dokumentacijom (23.2.2026. godine do 12:00 sati), na adresu Ugovornog organa primljene su dvije ponude ponuđača „SILNICA“ d.o.o. Sarajevo i „FIXIT“ d.o.o. Sarajevo. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponuda i nakon što je utvrđena blagovremenost i urednost dostave, pročitana je cijena ponuda, kako slijedi:

R/b	Ponuđač	Ukupna cijena bez PDV-a (KM) (zbir jediničnih cijena)	Popust
1.	„SILNICA“ d.o.o. Sarajevo	2.455,40	/
2.	„FIXIT“ d.o.o. Sarajevo	5.900,00	/

Nakon izvršenog javnog otvaranja ponude, na zatvorenom sastanku Komisija II je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija II je jednoglasno konstatovala da dostavljene ponude ispunjavaju formalno-pravne, ekonomske i tehničke uslove, odnosno da ispunjavaju sve uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Računskom provjerom ispravnosti ponuda ponuđača „SILNICA“ d.o.o. Sarajevo i „FIXIT“ d.o.o. Sarajevo, Komisija II je konstatovala da su podnesene ponude računski ispravne, da obuhvataju sve elemente i zahtjeve, te da je ukupna cijena ponuda sa PDV-om pravilno obračunata.

Komisija II je postupkom poređenja i rangiranja ponuda utvrdila da ponuda prvorangiranog ponuđača „SILNICA“ d.o.o. Sarajevo ispunjava uslove za ispitivanje neprirodno niske cijene. Naime, ponuđena cijena je za više od 20% niža od cijene drugorangirane ponude ponuđača „FIXIT“ d.o.o. Sarajevo, čime je bio ispunjen osnov za primjenu člana 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15).
Shodno navedenom, Komisija II se dopisom broj: 10/E-11-1128/26 od 24.2.2026. godine obratila ponuđaču „SILNICA“ d.o.o. Sarajevo sa zahtjevom za dostavljanje pisanog objašnjenja neprirodno niske cijene. Ponuđač je traženo objašnjenje blagovremeno dostavio dana 25.2.2026. godine.
Nakon detaljne analize i razmatranja obrazloženja, Komisija II je jednoglasno ocijenila da je objašnjenje osnovano, argumentovano i prihvatljivo, te da ponuđena cijena osigurava urednu realizaciju ugovora.
Pisano objašnjenje ponuđača „SILNICA“ d.o.o. Sarajevo od 25.2.2026. godine čini sastavni dio Zapisnik o pregledu i ocjeni ponuda broj: 10/E-11-1128/26 od 26.2.2026. godine.

U daljem toku postupka Komisija II je izvršila analizu i ocjenu dostavljenih prihvatljivih ponuda prema kriteriju za dodjelu ugovora.

Na temelju vrednovanja i rangiranja ponuda, u skladu s kriterijem „najniža cijena“ i članom 64. stav (1), tačkom b) Zakona o javnim nabavkama, utvrđen je sljedeći poredak:

Rang	Ponuđač	Ukupna cijena bez PDV-a (KM) (zbir jediničnih cijena)
1.	„SILNICA“ d.o.o. Sarajevo	2.455,40
2.	„FIXIT“ d.o.o. Sarajevo	5.900,00

Shodno svemu naprijed izloženom, Komisija II je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE


Prvorangiranog ponuđača „SILNICA“ d.o.o. Sarajevo, ulica Dr. Silve Rizvanbegović broj 24b, 71210 Ilidža – Sarajevo, broj: 25/26 od 23.02.2026. godine, po cijeni u ukupnom iznosu od **2.455,40 KM bez PDV-a** (zbir jediničnih cijena), odnosno **2.872,82 KM sa PDV-om** (zbir jediničnih cijena), kao

najpovoljnije za usluge održavanja telefonske mreže i telefona za potrebe Općine Centar i drugih objekata u vlasništvu Općine Centar Sarajevo.
Sa izabranim ponuđačem zaključit će se Okvirni sporazum na period od 3 (tri) godine, kojim će se detaljnije regulisati međusobna prava i obaveze ugovornih strana u skladu s tenderskom dokumentacijom i prihvaćenom ponudom.
Planirana maksimalna sredstva za cijeli period trajanja okvirnog sporazuma iznose 10.530,00 KM bez PDV-a, i ista se ne mogu prekoračiti.
Općinski načelnik u postupku evaluacije nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH”, broj 39/14, 59/22 i 50/24).
Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.
Žalba se podnosi u dovoljnom broju primjeraka, a koji ne može biti manji od tri.
Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-1128/26 od 26.2.2026. godine



Dostaviti:

1. Ponuđaču: „SILNICA” d.o.o. Sarajevo, ulica Dr. Silve Rizvanbegović broj 24b, 71210 Ilidža – Sarajevo
2. Ponuđaču: „FIXIT” d.o.o. Sarajevo ulica Zaima Šarca broj 34, 71000 Sarajevo
3. Službi za zajedničke i tehničke poslove
4. Kabinetu općinskog načelnika – Odsjek za javne nabavke
5. Službi za finansije
6. U spis